

Izveštaj o radu Uprave policije MUP-a Kantona Sarajevo za 2021. godinu

KRIMINALITET

Kriminalitet na području Kantona Sarajevo u 2021. godini u odnosu na 2020. godinu, posmatrano kroz statističke pokazatelje, karakteriše smanjenje broja događaja sa obilježjem krivičnog djela za 6,3% i lica lišenih slobode za 3,6%, dok je povećan broj prijavljenih lica za 5,9% maloljetnih izvršilaca za 25% i povratnika u činjenju događaja sa obilježjem krivičnog djela za 2,2%.

STATISTIČKI POKAZATELJI KRIMINALITETA

Na području Kantona Sarajevo u 2021. godini, prema službenim evidencijama Uprave policije MUP-a Kantona Sarajevo, registrovano je 4.612 događaja sa obilježjem krivičnoga djela što je za 311 ili 6,3% manje nego u 2020. godini.

Od ukupnog broja događaja sa obilježjem krivičnog djela, 2.340 je evidentirano po poznatom izvršiocu (ili 50,7% od ukupnog broja), a 2.272 po nepoznatom izvršiocu (ili 49,3%), od kojih je 426 naknadno rasvijetljeno (ili 18,8%), što je za 8,7% manje u odnosu na 2020. godinu.

U 2021. godini Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 2.865 obavijesti o događajima u kojima je pričinjena neznatna materijalna šteta (252 manje)¹.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U 2021/20.GODINI

godina	Broj događaja sa obilježjem krivičnog djela			Broj naknadno rasvijetljenih događaja izvršenih po nepoznatom izvršiocu		Broj prijavljenih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
2021.GODINA	4.612	2.340	2.272	426	319	2.582	60	1.472	994
2020. GODINA	4.923	2.185	2.738	752	383	2.439	48	1.440	1.031
<i>uporedba</i>	-311	155	-466	-326	-64	143	12	32	-37
	-6,3%	7,1%	-17%	-43,4%	-16,7%	5,9%	25%	2,2%	-3,6%

U toku 2021. godine prijavljena su 2.582 lica, od čega su 1.472 povratnika (ili 57% prijavljenih), 60 maloljetnika, a 994 lica su lišena slobode (ili 38,5% prijavljenih). U odnosu na prethodnu godinu povećan je broj prijavljenih lica za 143 (ili 5,9%), maloljetnih izvršilaca za 12 (ili 25%) povratnika za 32 (ili 2,2%), dok je smanjen broj lica lišenih slobode za 37 (ili 3,6%).

Za događaje sa obilježjem krivičnog djela, koji su evidentirani u 2021. godini, nastupila je materijalna šteta u ukupnom iznosu od 8.664.270,46 KM i 46.000 € i 2.100 \$. (u 2020. godini ista je iznosila 8.737.089,54 KM i 24.700 € i 100 \$).

UPOREDNI POKAZATELJI DOGAĐAJA SA OBILJEŽJEM KRIVIČNOG DJELA NA PODRUČJU KANTONA SARAJEVO
U 2021./20. GODINE PREMA GLAVAMA KRIVIČNOG ZAKONA FBiH-a I KZBiH-a

KZ FBiH i KZ BiH	2021. GODINA	2020. GODINA	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	broj naknadno rasvjetljenih događaja	
			+ / -	%			broj	%
Protiv ustavnog poretka Federacije	2	1	1	100%	2	0	0	---
Protiv života i tijela	252	179	73	40,8%	236	16	4	25%
Protiv slobode i prava čovjeka i građan.	270	200	70	35%	259	11	7	64%
Protiv spolne slobode i morala	22	18	4	22,2%	22	0	0	---
Protiv braka, porodice i mladeži	271	244	27	11,1%	271	0	0	---
Protiv zdravlja ljudi	356	437	-81	-18,5%	356	0	0	---
Protiv privrede, posl. i sigur. platnog..	5	3	2	66,7%	5	0	0	---
Protiv imovine	2.757	2.982	-225	-7,5%	592	2.165	402	18,6%
Protiv okoliša	3	8	-5	-62,5%	3	0	0	---
Protiv opće sigurnosti ljudi i imovine	118	111	7	6,3%	53	65	2	3%
Protiv sigurnosti javnog prometa	108	78	30	38,5%	108	0	0	---
Protiv pravosuđa	32	17	15	88,2%	28	4	5	125%
Protiv javnog reda i pravnog prometa	278	228	50	21,9%	268	10	5	50%
Protiv podmić. i kd protiv sl. i dr. odg...	93	359	-266	-74,1%	92	1	1	100%
Protiv sistema elekt. obrade podataka	3	0	3	---	3	0	0	---
Protiv privrede i jed. tržišta...(KZBiH)	2	2	0	isto	2	0	0	---
Protiv slobode i prava čovjeka...(KZBiH)	1	1	0	isto	1	0	0	---
ZONDINOIM (Sl.novine KS br.01/18)	39	55	-16	-29,1%	39	0	0	---
UKUPNO	4.612	4.923	-311	-6,3%	2.340	2.272	427	18,8%

U 2021. godini, u odnosu na 2020. godinu, zabilježeno je smanjenje broja događaja sa obilježjem krivičnog djela i to za 311 ili 6,3%. Najznačajnije smanjenje je zabilježeno u oblastima protiv: podmićivanja i krivična djela protiv službene i druge odgovorne dužnosti (za 266 događaja ili 74,1%), imovine (za 225 ili 7,5%) i zdravlja ljudi (za 81 ili 18,5%), dok je povećanje evidentirano u oblastima protiv: života i tijela (za 73 ili 40,8%), slobode i prava čovjeka i građanina (za 70 ili 35%), javnog reda i pravnog prometa (za 50 ili 21,9%), itd.

U 2021. godini za ukupno 1.563 podnesena službena izvještaja, od strane Kantonalnog tužilaštva, donesena je naredba o obustavi i neprovođenju istrage (569 ili 57,2% više u odnosu na 2020. godinu).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U toku 2021. godine evidentirana su 252 događaja sa obilježjem krivičnog djela iz oblasti protiv života i tijela (73 više u odnosu na uporedni period) i to 239 po poznatom i 16 po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - šest (pet manje),
- ubistvo u pokušaju (član 166. KZ FBiH u vezi člana 28.) - 15 (jedan manje),
- ubistvo u sačiniteljstvu (član 166. KZFBiH u vezi člana 32.) - dva (nije bilo događaja),
- ubistvo u pomaganju (član 166. KZ FBiH u vezi člana 33.) - jedan (isti broj),
- ubistvo u pokušaju u sačiniteljstvu (član 166. KZFBiH u vezi člana 28. i člana 31.) - jedan (nije bilo događaja),
- teška tjelesna ozljeda (član 172. KZ FBiH) - 76 (31 više),
- teška tjelesna ozljeda u pomaganju (član 172. KZ FBiH u vezi člana 33.) - jedan (nije bilo),
- lahka tjelesna ozljeda (član 173. KZ FBiH) - 147 (45više) i

- o učestvovanje u tuči (član 174. KZ FBiH) - tri događaja (isti broj).

Nadležnom tužilaštvu podneseni su službeni izvještaji protiv 258 lica, od koji su 142 povratnika ili 55%, a 70 je lišeno slobode.

Ubistva su izvršena upotrebom vatrenog oružja – tri puta, noža ili drugog oštrog predmeta – dva i namjernim udaranjem putničkim motornim vozilom – jedno.

Ubistva u pokušaju izvršena su upotrebom noža - devet puta, vatrenog oružja - pet i upotrebom tvrdog predmeta - jednom.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 270 događaja sa obilježjem krivičnog djela (70 više) i to: - ugrožavanje sigurnosti – 262, protupravno lišenje slobode – pet i narušavanje nepovredivosti doma – tri događaja. Službeni izvještaji su podneseni protiv 266 lica od kojih je 159 povratnika (ili 56,8%), a 42 su lišena slobode.

Događaji sa obilježjem krivičnog djela - ugrožavanje sigurnosti, počinjeni su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

PROTIV BRAKA, PORODICE I MLADEŽI

U ovoj oblasti evidentiran je 271. događaj sa obilježjem krivičnog djela (27 više) i to: nasilje u porodici – 252 događaja, zapuštanje ili zlostavljanje djeteta ili maloljetnika – sedam, trgovina ljudima – pet, izbjegavanje izdržavnja – četiri i oduzimanje djeteta ili maloljetnika tri događaja. Službeni izvještaji podneseni su protiv 273 lica od kojih je 155 povratnika ili 56,8%, a 166 je lišeno slobode.

PROTIV ZDRAVLJA LJUDI

Iz oblasti protiv zdravlja ljudi registrovano je 356 događaja sa obilježjem krivičnog djela (81 ili 18,5% manje) i to:

- neovlašćena proizvodnja i stavljanje u promet opojnih droga – 48,
- posjedovanje i omogućavanje uživanja opojnih droga – 301,
- nepostupanje po zdravstvenim propisima za vrijeme pandemije – sedam događaja.

Iz ove oblasti prijavljen su 353 lica (96 manje), od kojih su 232 povratnika (ili 65,7%), a 168 lica je lišeno slobode (57 manje).

TABELARNI PREGLED ODUZETE OPOJNE DROGE U PERIODU 2021/20. GODINI

VRSTA OPOJNE DROGE	2021. GODINA	2020. GODINA
Marihuana (u gramima)	8.753,085	15.819,094
Marihuana (paketići)	159	405
Heroin (paketići)	1	30
Heroin (u gramima)	112,048	203,271
Amfetamin (paketići)	27,5	77
Amfetamin (u gramima)	4.373,947	2.315,967
Cannabis (stabljike)	226	192
Cannabis (sjemenke)	1.346	145
Hašiš (u gramima)	30	15
Kokain (u gramima)	68,302	6,366
Ecstasy (tablete)	689	262,5
Ecstasy (u gramima)	22,988	41,275
Speed (u gramima)	9.111,456	76,285

Pribor sa ostacima droge (komada)	66	60
-----------------------------------	----	----

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službene izvještaje protiv 51. lica zbog postojanja osnova sumnje da su u 2021. godini neovlašteno proizvodili, zatim kupovali opojnu drogu ("Marihuanu", "Amfetamin", „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 295 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", "Heroin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PROTIV PRIVREDE, POSLOVANJA I SIGURNOSTI PLATNOG PROMETA

Iz ove oblasti registrovano je pet događaja sa obilježjem krivičnog djela (dva više) i to: obmana pri dobijanju kredita ili drugih pogodnosti – tri i prijevara u privrednom poslovanju – dva događaja, a prijavljeno je deset lica.

Takođe, u 2021. godini, zadokumentovani su i događaji sa obilježjem krivičnog djela koja su u vezi sa „privrednim kriminalom“, a svrstani su u druge glave KZFBiH-a i KZ BiH-a i to: krivotvorenje isprave - 124, davanje dara ili drugih oblika koristi – 40, primanje dara i drugih oblika koristi – 22, zloupotreba položaja ili ovlašćenja - 10, krivotvorenje službene isprave - devet, pronevjera u službi – pet, primanje nagrade ili drugog oblika koristi za trgovinu uticajem – četiri , itd.

Nastala materijalna šteta u ovoj oblasti iznosi 852.946,16 KM (u prethodnoj godini materijalna šteta iz oblasti protiv "privrede" iznosila je 3.036.129,10 KM).

PROTIV IMOVINE

U oblasti protiv imovine registrovano je 2.757 događaja sa obilježjem krivičnog djela (592 po poznatom i 2.165 po nepoznatom izvršiocu) sa obilježjem krivičnog djela što je za 225 ili 7,5% manje u odnosu na uporedni period. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 1.310 (148 manje),
- krađa (član 286. KZ FBiH) – 761 (71 manje),
- razbojništvo (član 289. KZ FBiH) – 263 (70 manje),
- oštećenje tuđe stvari (član 293. KZ FBiH) – 202 (37 više),
- prijevara (član 294. KZ FBiH) - 65 (33 više),
- utaja (član 290. KZ FBiH) – 53 (šest više),
- teška krađa u pokušaju (član 287. KZ FBiH u vezi člana 28.) – 37 (14 manje), itd.

Od ukupno 2.165 događaja evidentiranih po nepoznatom izvršiocu naknadno su rasvijetljena 402 ili 18,6% što je za 8,4% manje u odnosu na 2020. godinu.

U ovoj oblasti prijavljeno je 747 lica od kojih su 534 povratnika (ili 71,4%), a 305 je lišeno slobode.

Objekti napada pri vršenju teških krađa najčešće su bili stambeni objekti – 488 puta (12 manje), motorna vozila (otuđenja motornih vozila i "provale" u ista) - 334 (106 više), prodavnice i drugi poslovni prostori - 274 (140 manje), ulica - 99 (17 manje), itd., pri čemu su otuđivani, novac, nakit, tehnička roba, prehrambeni proizvodi, cigarete, motorna vozila, građevinski materijal, ogrijevno drvo, alati, itd.

U 2021. godini na području Kantona Sarajevo registrovano je 128 otuđenja motornih vozila, od čega je 36 ili 28,1% vraćeno (od strane policije MUP Kantona Sarajevo vraćeno je 20 vozila, MUP RS-a – tri, drugih MUP-ova – pet i osam vozila vlasnici su sami pronašli).

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 26 lica (11 više) od kojih je 20 povratnika (ili 76,9%).

U odnosu na 2020. godinu broj otuđenih motornih vozila povećan je za 34 ili 36,2%.

Evidentiran je 761. događaj sa obilježjem krivičnog djela krađe (71 manje) i to: na ulici – 294 puta, u poslovnim prostorima – 253, u stambenim objektima - 125, vozilima i na stajalištima GRAS-a – 67 puta, itd. odakle su otuđivani novčanici, mobiteli, prehrambeni proizvodi, bicikla, auto-dijelovi, električni romobili, itd.

U 2021. godini registrovane su 83 teške krađe na naročito opasan ili naročito drzak način (42 ili 33,6% manje) koje su izvršene upotrebom fizičke snage (otimanjem i trganjem) - 74 puta i verbalnom prijetnjom u devet slučajeva, a kojom prilikom su otimani mobiteli, novac, nakit i tašne, a evidentirane su: 60 puta na ulici, 11 u vozilima GRAS-a, u prodavnicama – devet, itd.

Od ukupnog broja „drskih krađa“, 69 je evidentirano po nepoznatom izvršiocu, od kojih je 30 ili 43,5% naknadno rasvijetljeno što je za 11,7% više u odnosu na prethodnu godinu. Za izvršenje ovih oblika teških krađa, prijavljeno je 31. lice, od kojih je 21 povratnik (ili 67,7%), a 20 je lišeno slobode.

Na području Kantona Sarajevo u 2021. godini registrovana su 263 događaja sa obilježjem krivičnog djela razbojništava (37 po poznatom i 226 po nepoznatom izvršiocu) što je za 70 ili 21% manje u odnosu na isti period prethodne godine.

Od ukupno 226 događaja sa obilježjem krivičnog djela razbojništava, evidentiranih po nepoznatom izvršiocu naknadno su rasvijetljena 84 ili 37,2% (što je za 8% manje u odnosu na 2020. godinu).

Razbojništva su počinjena u prodavnicama i drugim poslovnim prostorima - 118 puta (27 manje), u sportskim kladionicama – 21 (37 manje), na ulici – 79 (četiri manje), benzinskim pumpama - 23 (14 više), apotekama - 11 (21 manje), itd., a izvršena su prijetnjom upotrebe vatrenog oružja – 102 puta (35 manje), prijetnjom i upotrebom noža ili drugog oštrog predmeta – 96 (deset manje) i upotrebom fizičke snage – 65 puta (25 manje).

Prijavljeno je 96 lica (26 manje) od kojih su 74 povratnika ili 77,1%, a 62 lica su lišena slobode.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 118 događaja sa obilježjem krivičnog djela (sedam više) i to: izazivanje opće opasnosti – 91, nesavjesno čuvanje pasa i drugih opasnih životinja - 16, teška krivična djela protiv opće sigurnosti ljudi i imovine – pet, izazivanje opće opasnosti u pokušaju – četiri, uništenje ili oštećenje važnih privrednih objekata ili javnih naprava i nepropisno i nepravilno izvođenje građevinskih radova - po jedan događaj.

Događaji sa obilježjem krivičnog djela izazivanje opće opasnosti evidentirani su na otvorenom prostoru 75 puta, u stambenim objektima – osam, u poslovnim objektima - pet, u garaži – dva i ugostiteljskom objektu – jedan, pri čemu je 54 puta otvorenim plamenom izazvan požar, u 15 slučajeva aktivirana nepoznata eksplozivna naprava, 20 puta pucano je iz vatrenog oružja i u dva slučaja pronađena je nepoznata eksplozivna naprava. Posljedice navedenih događaja su ranjavanje jednog lica, nastala materijalna šteta i uznemirenost građana.

U ovoj oblasti nadležnom tužilaštvu podneseni su službeni izvještaji protiv 52 lica, od čega je 28 povratnika ili 53,8%, a 26 je lišeno slobode.

PROTIV JAVNOG REDA I PRAVNOG PROMETA

U ovoj oblasti evidentirano je 278 događaja sa obilježjem krivičnog djela (50 više) i to: krivotvorenje isprave² - 147, nasilničko ponašanje - 61, napad na službenu osobu u vršenju poslova sigurnosti - 30, nedozvoljeno držanje oružja ili eksplozivnih materija - 22, skidanje službenog pečata ili znaka - sedam, sprječavanje službene osobe u vršenju službene radnje - tri, izdavanje i upotreba neistinite liječničke ili veterinarske svjedodžbe - po dva događaja, itd.

Nadležnom tužilaštvu podneseni su službeni izvještaji protiv 314 lica od kojih je 112 povratnika (ili 35,7%), a 73 su lišena slobode.

PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirana su 93 događaja sa obilježjem krivičnog djela (266 manje) i to: davanje dara i drugih oblika koristi - 40, primanje dara i drugih oblika koristi – 22, zloupotreba položaja ili ovlaštenja - deset, krivotvorenje službene isprave - devet, pronevjera u službi - osam i primanje nagrade ili drugih oblika koristi za trgovinu uticajem – četiri događaja.

Nadležnom tužilaštvu podneseni su službeni izvještaji protiv 53 lica od kojih su 34 povratnika ili 64,2%, a 24 su lišena slobode.

DOGAĐAJI SA OBILJEŽJEM KRIVIČNOG DJELA REGULISANI ZONDINOIM-om

U 2021. godini evidentirano je 39 događaja (16 manje) regulisanih Zakonom o nabavljanju, držanju i nošenju oružja i municije Kantona Sarajevo i nadležnom tužilaštvu su podneseni službeni izvještaji protiv 39 lica.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U toku 2021. godine evidentirana su 62 događaja sa obilježjem krivičnog djela, u kojima je učestvovalo 60 maloljetnih lica. U odnosu na 2020. godinu povećan je broj maloljetnih lica za 12 ili 25%, dok je broj događaja sa obilježjem krivičnog djela smanjen za četiri ili 6,1%. Prijavljeni maloljetnici su u dobi do 14 godina – tri, od 14 do 16 godina – 27, od 16 do 18 godina – 30. Od ukupnog broja maloljetnika 13 je povratnika u izvršenju događaja sa obilježjem krivičnog djela.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA ZA 2021/2020. GODINU

mjesec	Broj događaja sa obilježjem krivičnog djela	Broj evidentiranih maloljetnih lica
2021. GODINA	62	60
2020. GODINA	66	48
uporedba	-4 ili 6,1%	+12 ili 25%

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA
MALOLJETNA LICA ZA 2021/2020. GODINU

događaji sa obilježjem krivičnog djela (KZ FBiH)	2021. godina	2020. godina
Izazivanje narodnosne, rasne i vjerske mržnje	1	---
Ubistvo u saučiniteljstvu	1	1
Teška tjelesna ozljeda	7	1
Lahka tjelesna ozljeda	7	4
Učestvovanje u tuči	---	1
Ugrožavanje sigurnosti	2	1
Spolni odnošaj s djetetom	1	2
Nepostupanje po zdravstvenim propisima za vr. epidemije	1	---
Nasilje u porodici	1	3
Neovl.proizvodnja i stavljanje u promet opojnih droga	1	---
Posjedov. i omoguć. uživanja opoj. droga	5	7
Krađa	2	3
Teška krađa	4	8
Teška krađa u pokušaju	1	1
Teška krađa na naroč. opasan ili naročito drzak način	1	11
Razbojništvo	6	10
Razbojništvo u pokušaju	1	1
Oštećenje tuđe stvari	3	2
Teška krivična djela protiv opće sigurnosti ljudi i imovine	1	---
Teška krivična djela protiv sigurnosti javnog prometa	1	---
Neukazivanje pomoći osobi ozlijeđenoj u promet.nezg.	1	---
Lažno prijavljivanje	2	2
Napad na službenu osobu u vršenju poslova sigurnosti	1	1
Nasilničko ponašanje	9	6
ZONDINOIM	2	1
ukupno	62	66

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku 2021. godine na području Kantona Sarajevo evidentirano je 12 događaja aktiviranja minsko-eksplozivnih sredstava (sedam manje u odnosu na 2020. godinu) usljed čega je nastupila smrt jednog lica (samoubistvo) i materijalna šteta. Za sada su u dva slučaja identifikovani učinioci i protiv njih su preduzete zakonske mjere.

U toku 2021. godine evidentirano je sedam slučajeva anonimnih dojava o postavljanju eksplozivne naprave (devet manje u odnosu na 2020. godinu), a odnosile su se na Kantonalni, Općinski sud i škole. Nakon KDZ pregleda utvrđeno je da su dojave bile lažne. Za sada je pet lica identifikovano i protiv njih su preduzete zakonske mjere.

POŽARI

U toku 2021. godine, na području Kantona Sarajevo registrovano je 208 požara (58 ili 21,8 % manje) u kojima su tri lica poginula.

Prema statističkim pokazateljima 73 požara su izazvana namjerno, 37 zbog tehničkih nedostataka, 10 nehatom, dok uzroci 88 požara spadaju u kategoriju ostalih.

Požari su evidentirani u:

- Saobraćajnom sredstvu - 60 puta,

- Stambenom objektu - 48,
- Poslovnom prostoru - 17,
- Pomoćnom objektu - 11,
- Šumi - šest,
- Magacinu - dva,
- Proizvodnom objektu - jednom,
- Ostalim objektima - 63 puta.

Zbog izazivanja požara nadležnom tužilaštvu podneseno je 67 službenih izvještaja: 54 iz člana 323 KZ FBiH (izazivanje opće opasnosti) i 13 iz člana 301 KZ FBiH (paljevina).

SAMOUBISTVA

U toku 2021. godine na području Kantona Sarajevo registrovano je 37 samoubistava (četiri manje), koja su izvršena: vješanjem - 18 puta, skakanjem sa visine - 10 puta, upotrebom vatrenog oružja - sedam puta, aktiviranjem eksplozivne naprave i trovanjem - po jednom.

TABELARNI PREGLED POČINJENIH SAMOUBISTAVA NA PODRUČJU KANTONA SARAJEVO
2021. GODINA

NAČIN IZVRŠENJA	MUŠKARCI					ŽENE					UKUPNO
	STAROSNA DOB										
	do 18. god.	od 18 do 30	od 30 do 40	od 40 do 50	preko 50 god.	do 18. god.	od 18 do 30	od 30 do 40	od 40 do 50	preko 50 god.	
VJEŠANJEM	1	1	2	2	8		1		1	2	18
VATRENIM ORUŽJEM		1	1		5						7
AKTIVIRANJEM RUČNE BOMBE					1						1
UTAPANJEM											
OŠTRIM PREDMETOM											
TROVANJEM										1	1
SKOKOM SA VISINE		4	1	1	1				1	2	10
OSTALI NAČINI											
UKUPNO	1	6	4	3	15		1		2	5	37

Izvršioi samoubistava su: 29 muškaraca i osam žena. Muškarci su starosne dobi: preko 50 godina - 15 lica, od 18 do 30 - šest, od 30 do 40 - četiri, od 40 do 50 - tri i do 18 godina - jedno lice. Žene su u dobi: preko 50 godina - pet lica, od 40 do 50 godina - dva lica i od 18 do 30 godina - jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 20 pušaka, 89 pištolja, 86 ručnih bombi, 136 noževa ili drugih oštrih predmeta, 8.208 komada petardi, 1.583 komada municije raznog kalibra, itd.

U toku 2021. godine fizičkim licima izdato je 1.638 odobrenja za nabavku vatrenog oružja i 1.602 oružna lista.

JAVNI RED I MIRA

U toku 2021. godine u oblasti protiv javnog reda i mira evidentirano je 9.275 prekršaja (2.977 ili 23,7% manje u odnosu na 2020. godinu), a za izvršenje navedenih prekršaja prijavljeno je 9.505 lica (2.896 ili 23,3% manje), od čega je 1.110 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 8.569 naloga i podneseno je 706 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 8.889 prekršaja (ili 95,8%), a na prekršaje koji su utvrđeni Odlukom općinskih vijeća o javnom redu i miru 386 (ili 4,2%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (3.678), preko 36 godina (3.433), 19 i 25 godina (2.373), i do 18 godina – 21 učinilac.

Prilikom narušavanja javnog reda i mira u toku 2021. godine, nije bilo teže povrijeđenih lica (isto kao u 2020. godini), dok su 83 lica (jedno više) lakše povrijeđena.

U toku 2021. godine, u odnosu na 2020. godinu povećan broj evidentiranih prekršaja imale su Policijska stanica Ilidža i Policijska stanica Vogošća, a u svim ostalim Policijskim stanicama evidentirano je smanjenje prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA 2021/2020.GODINU

STRUKTURA PREKRŠAJA	2021. godina	2020. godina	upredba
UKUPNO NALOGA I ZAHTJEVA	9.275	12.152	-2877 ili 23,7%
UKUPNO LICA	9.505	12.401	-2896 ili 23,3%
Prekršaji iz Zakona o prekršajima protiv JRiM:	8.889	11.701	-2812 ili 24%
<i>-Tuče</i>	325	322	+3 ili 0,9%
<i>-Naročito drsko ponašanje</i>	470	565	-95 ili 16,8%
<i>-Odbijanje naređenja i omalov. policijskih sl.</i>	1.027	2.048	-1021 ili 49,8%
<i>-Svađa, vika, nepristojno ponašanje</i>	157	182	-25 ili 13,7%
<i>-Uživanje opojne droge na javnom mjestu</i>	173	39	+134 ili 343,6%
<i>-Neovlaštena upotreba oružja</i>	9	3	+6 ili 200%
<i>-Paljenje petardi</i>	12	17	-5 ili 29,4%
<i>-Prosjačenje</i>	1.571	1.128	+443 ili 39,3%
<i>-Ostali prekršaji iz Zakona o prekrš. protiv JRiM</i>	5.145	7.397	-2252 ili 30,4%
Prekršaji prema Odluci OV o JRiM	386	451	-65 ili 14,4%

Iz tabelarnog pregleda vidljivo je, da je tokom 2021. godine, u odnosu na prethodnu godinu prema strukturi povećan sljedeći broj prekršaja:

- prosjačenje za 443 ili 39,3%,
- uživanje opojne droge na javnom mjestu za 134 ili 343,6%,
- neovlaštena upotreba oružja za šest ili 200% i
- tuče za tri ili 0,9%;

dok je smanjen broj prekršaja:

- ostali prekršaji za 2.252 ili 30,4%,
- odbijanje naređenja i omalovažavanje policijskih službenika za 1.021 ili 49,8%,
- naročito drskog ponašanja za 95 ili 16,8%,
- prekršaji koji su regulisani Odlukom općinskih vijeća za 65 ili 14,4%,
- svađa, vika, nepristojno ponašanje za 25 ili 13,7% i

- paljenje petardi za pet ili 29,4%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima – 8.921, a znatno manje u trgovinskim i zanatskim radnjama - 77, ugostiteljskim objektima – 68, na sportskim stadionima i dvoranama – šest, u vozilima javnog saobraćaja – četiri i na ostalim mjestima – 199 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
PREMA MJESTU IZVRŠENJA ZA 2021/2020. GODINU

MJESTO IZVRŠENJA	2021. godina	2020. godina	uporedba
Ulice i drugi otvoreni prostori	8.921	11.383	-2462 ili 21,6%
Ugostiteljski objekti	68	133	-65 ili 48,9%
Sportski stadioni i dvorane	6	1	+5 ili 500%
Vozila javnog saobraćaja	4	5	-1 ili 20%
Škole i školska dvorišta	---	10	-10
Trgovinske i zanatske radnje	77	379	-302 ili 79,7%
Ostala mjesta	199	241	-42 ili 17,4%
UKUPNO	9.275	12.152	-2877 ili 23,7%

U odnosu na 2020. godinu, smanjen je broj prekršaja evidentiranih na ulicama i drugim otvorenim prostorima za 2.462, u trgovinskim i zanatskim radnjama za 302, u ugostiteljskim objektima za 65, na ostalim mjestima za 42, u školama i školskim dvorištima za 10 i u vozilima javnog saobraćaja za jedan prekršaj, dok je broj prekršaja na sportskim stadionima i dvoranama povećan za pet.

Na području Kantona Sarajevo u toku 2021. godine održano je 2.129 javnih skupova (575 ili 37% više u odnosu na 2020. godinu). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 307 slučajeva izvršeno je KDZ osiguranje.

SAOBRAĆAJ

U toku 2021. godine, u odnosu na 2020. godinu, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima, kao i broj nastradalih lica.

Registrovana je 7.061. saobraćajna nezgoda (1.127 ili 13,8 % manje), od čega je 6.299 sa materijalnom štetom (1.146 ili 15,4 % manje) i 762. sa nastradalim licima (19 ili 2,5 % više).

U navedenim nezgodama 20 lica je poginulo (sedam ili 53,8 % više), a 951. lice je povrijeđeno (34 ili 3,7 % više), od čega 155 teže i 796 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
2021./2020. GODINA

	2021.	2020.	uporedba
UKUPNO SAOBRAĆAJNIH NEZGODA	7.061	8.188	- 1.127 ili 13,8 %
Saobraćajne nezgode sa nastradalim licima	762	743	+ 19 ili 2,5 %
Saobraćajne nezgode sa materijalnom štetom	6.299	7.445	- 1.146 ili 15,4 %
POGINULO LICA	20	13	+ 7 ili 53,8 %
- vozači	13	8	+ 5 ili 62,5 %
-putnici	3	1	+ 2 ili 200 %
- pješaci	4	4	-----
POVRIJEĐENO LICA	951	917	+ 34 ili 3,7 %
- vozači	508	543	- 35 ili 6,4 %
- putnici	277	229	+ 48 ili 21 %

- pješaci	166	145	+ 21 ili 14,5 %
-----------	-----	-----	-----------------

U naselju je registrovano 6.427 saobraćajnih nezgoda (18 sa poginulim, 678 sa povrijeđenim licima i 5.731 sa materijalnom štetom), van naselja 634 nezgode (jedna sa poginulim, 65 sa povrijeđenim licima i 568 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
2021. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	18	124	554	5.731	6.427	19	147	724
van naselja	1	7	58	568	634	1	8	72
UKUPNO	19	131	612	6.299	7.061	20	155	796

Prema kategoriji puta, saobraćajne nezgode registrovane su:

- na ulicama u naselju - 4.404 nezgode (12 lica poginulo, 477 lica povrijeđeno),
- na magistralnim putevima - 997 (šest lica poginulo, 205 lica povrijeđeno),
- na regionalnim putevima - 499 (61. lice povrijeđeno),
- na lokalnim putevima - 380 (49 lica povrijeđeno),
- na putevima koji se ubrajaju u kategoriju ostalih - 781. (dva lica poginula, 159 lica povrijeđeno).

Prema karakteristikama puta, saobraćajne nezgode registrovane su:

- na raskrsnicama u naselju - 927 (jedno lice poginulo, 146 lica povrijeđeno),
- na raskrsnicama van naselja - 201 (23 lica povrijeđena),
- na pješačkim prelazima - 107 (50 lica povrijeđeno),
- na mostu - 53 (pet lica povrijeđeno),
- u tunelu - 15 (jedno lice povrijeđeno),
- na nadvožnjaku - pet (bez nastradalih lica),
- na podvožnjaku - tri (bez nastradalih lica),
- na prelazu preko željezničke pruge - jedna (jedno lice poginulo),
- na putevima koji se ubrajaju u karakteristike ostalih - 5.749 (18 lica poginulo, 726 lica povrijeđeno).

POSLJEDICE SAOBRAĆAJNIH NEZGODA

U toku 2021. godine, u saobraćajnim nezgodama na području Kantona Sarajevo nastradalo je ukupno 971. lice (41 ili 4,4 % više). Dvadeset lica je poginulo (sedam ili 53,8 % više), dok je 951. lice povrijeđeno (34 ili 3,7 % više), od čega 155 teže (55 ili 55 % više) i 796 lakše (21 ili 2,6 % manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
2021/2020.GODINA

PERIOD	2021. GODINA			2020. GODINA			UPOREDBA 2021/20. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	13	64	444	8	45	498	+ 5	+ 19	- 54

PUTNICI	3	36	241	1	19	210	+ 2	+ 17	+ 31
PJEŠACI	4	55	111	4	36	109	----	+ 19	+ 2
UKUPNO	20	155	796	13	100	817	+ 7	+ 55	- 21

KATEGORIJE LICA POGINULIH U SAOBRAĆAJNIM NEZGODAMA

- Vozači - trinaest
- Pješaci - četiri
- Putnici - tri

Najkritičnije saobraćajnice za učesnike u saobraćaju bile su: magistralni put M 17 - četiri lica poginula i magistralni put M 18 - tri lica poginula.

STEPEN POVREDA UČESNIKA U SAOBRAĆAJNIM NEZGODAMA

- Vozači: 508 vozača povrijeđeno (64 teže i 444 lakše),
- Putnici: 277 putnika povrijeđeno (36 teže i 241 lakše),
- Pješaci: 166 pješaka povrijeđeno (55 teže i 111 lakše).

Starosna struktura nastradalih lica u saobraćajnim nezgodama je slijedeća:

- Ispod 6 godina - 30 lica,
- od 6 do 9 godina - 20,
- od 10 do 14 godina - 29,
- od 15 do 17 godina - 20,
- od 18 do 20 godina - 68,
- od 21 do 24 godina - 105,
- od 25 do 30 godina - 160,
- od 31 do 40 godina - 178,
- od 41 do 50 godina - 136,
- od 51 do 65 godina - 126,
- 66 i više godina - 64,
- Nepoznata starosna dob - 35 lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 69 lica,
- od 23 do 30 godina - 146,
- od 30 do 40 godina - 122,
- od 40 do 50 godina - 91,
- od 50 do 60 godina - 67,
- 60 i više godina - 23,
- Nepoznata starosna dob - tri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 6.001 (20 lica poginulo, 730 lica povrijeđeno),
- neprilagođena brzina - 1.015 (207 lica povrijeđeno),
- uticaj alkohola - 36 (14 lica povrijeđeno),
- nedostatak saobraćajne signalizacije - četiri (bez nastradalih lica),

- klizav put- tri (bez nastradalih lica),
- oštećenje puta - dvije saobraćajne nezgode (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, policijski službenici su kontrolisali ukupno 192.919 vozila (936 ili 0,5 % manje).

Zbog kršenja propisa iz oblasti sigurnosti saobraćaja uručeno je 184.427 prekršajnih naloga vozačima (12.865 ili 6,5 % manje), podneseno 2.507 zahtjeva za pokretanje prekršajnog postupka (1.212 ili 32,6 % manje) i registrovano 108 događaja s obilježjem krivičnog djela zbog ugrožavanja sigurnosti saobraćaja (30 ili 38,5 % više).

Zbog tehničke neispravnosti, iz saobraćaja je isključeno 445 vozila (146 ili 48,8 % više), 2.653 vozača su zatečena da upravljaju vozilom pod dejstvom alkohola (230 ili 9,5 % više), 4.317 bez korištenja sigurnosnog pojasa (194 ili 4,3 % manje), 2.092 bez položenog vozačkog ispita (300 ili 12,5 % manje), 703 pod izrečenom zaštitnom mjerom (60 ili 7,9 % manje), 3.943 vozača su zatečena da koriste mobitel tokom vožnje (110 ili 2,9 % više), a 4.087 vozila je otkriveno da učestvuju u saobraćaju bez važeće registracije (4.661 ili 53,3 % manje).

MIRUJUĆI SAOBRAĆAJ I KONTROLA PJEŠAKA

U toku 2021. godine, pripadnici Uprave policije su uručili 90.446 prekršajnih naloga (3.968 više) vozačima koji nisu poštivali saobraćajne propise prilikom parkiranja, upozorili 2.737 vozača (804 manje), a specijalnim vozilom „pauk“ premjestili su 1.258 vozila (1.176 manje).

Takođe, pješacima koji su kršili saobraćajne propise uručena su 1.372 prekršajna naloga (1.301 manje), a upozoreno je 586 pješaka (56 više).

ZAKONITOST U RADU

U toku 2021. godine registrovano je 30 napada (14 ili 31,8 % manje) na policijske službenike Uprave policije MUP-a Kantona Sarajevo: 26 pojedinačnih i četiri grupna napada. Napadači su u 15 slučajeva koristili oruđa i druge predmete, u 14 slučajeva fizičku snagu, a u jednom slučaju je upotrijebljeno vatreno oružje.

Policijski službenici Uprave policije su tokom izvještajnog perioda u 25 slučajeva (36 ili 59 % manje) opravdano upotrijebili silu :

- Fizičku snagu i sredstva za vezivanje - 20 puta
- Hemijska sredstva - tri puta
- Fizičku snagu - jednom
- Službenu palicu - jednom

Tokom 2021. godine, razmatrano je 345 predavki na rad policijskih službenika, od čega su 253 predavke podnesene od strane građana, dok 92. predavke predstavljaju saznanja iz službe.

Okončano je 170 unutrašnjih istraga, od čega su 64 neosnovane, 59 je bilo bez dovoljno dokaza, u 30 slučajeva istrage su osnovane, u 10 slučajeva istrage su prekinute do okončanja krivičnog postupka ili krivične istrage, u četiri slučaja stranka je odustala od postupka, u dva slučaja istraga je zaključena ocjenom oslobađajuća, dok je u jednom slučaju istraga obustavljena.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Službenici policije su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

U okviru koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, izdvajamo slijedeće aktivnosti:

- Učestvovanje na konferenciji „Univerzalni periodični pregled“ (UPP), na temu ljudskih prava u Bosni i Hercegovini i „Uloga civilnog društva u UPP procesu“, u organizaciji Sarajevskog otvorenog centra (SOC) i nevladinih organizacija: „Civil Rights Defenders“, „Fondacija CURE“ i „Asocijacija demokratske inicijative“,
- Podržavanje kampanje koja se odnosi na pomoć osobama u problemu ovisnosti u smislu promocije besplatnog savjetovišta i telefonskog broja kroz promo materijale,
- Obilježavanje međunarodnog dana borbe protiv zloupotrebe droga i nezakonite trgovine drogama,
- Održavanje online obuke na temu: „Anti-teroristički lokalni profil“,
- Održavanje radionice na temu: „Rad policije u zajednici s fokusom na izazove u provođenju Zakona i primjene policijskih ovlaštenja u oblastima migracija na području Kantona Sarajevo“,
- Učešće na Okruglom stolu Koordinacionog tijela za prevenciju, zaštitu i borbu protiv nasilja u porodici na temu „Multisektorska saradnja Kantona Sarajevo iskustva i izazovi epidemije“,
- Učestvovanje na konferenciji održanoj u sklopu projekta „Za život bez rodno zasnovanog nasilja u Sarajevu“, organizovanoj od strane NVO „Medicus Mundi Mediterania“ iz Barselone i NVO „Fondacija lokalne demokratije“ iz Sarajeva,
- Nastavljena je realizacija projekata: „Program socijalizacije s pravom“, „Lopov bude uvijek otkriven“, „Jačanje tužilačkih kapaciteta u sistemu krivičnog pravosuđa u BiH“, „Nasilje putem informativno-komunikacijskih tehnologija“, „Policija prijatelj škole“, kao i edukativne radionice na teme: „Djeca u saobraćaju“, „Cyberbullying“, „Stop međuvršnjačkom nasilju“, „Prevenција korupcije“ i dr., za učenike osnovnih i srednjih škola na području Kantona Sarajevo.

MIGRANTI

Na osnovu mjesečnih izvještaja Operativnog tima za pitanja migranata, a prema podacima IOM-a (International Organization for Migration) na području Kantona Sarajevo u prihvatnim i imigracionim centrima broj migranata se u 2021. godini kretao od 4.028 koliko je bilo u mjesecu februaru do 1.322 koliko je evidentirano u mjesecu novembru 2021. godine.

Tokom 2021. godine migranti su učestvovali u 93 događaja sa obilježjem krivičnog djela i to:

- ubistvo (čl. 166. KZ FBiH) – jedan,
- ubistvo u pokušaju (čl. 166/28. KZ FBiH) – četiri,
- teška tjelesna ozljeda (čl. 172. KZ FBiH) – devet,
- lahka tjelesna ozljeda (čl. 173. KZ FBiH) – osam,

- ugrožavanje sigurnosti (čl. 183. KZ FBiH) – tri,
- silovanje u pokušaju (čl.203/28.) – jedan,
- nasilje u porodici (čl.222. KZ FBiH) – jedan,
- posjedovanje i omogućavanje uživanja opojnih droga (čl.239 KZ FBiH-a) – devet,
- krađa (čl. 286. KZ FBiH) – 10,
- teška krađa čl. 287. KZ FBiH) – jedan,
- teška krađana naročito opasan ili naročito drzak način (čl. 287/b KZ FBiH) – šest,
- teška krađa u pokušaju (čl. 287. u vezi člana 28. KZ FBiH) – dva,
- razbojništvo (čl. 289. KZ FBiH) – 19,
- razbojništvo u pokušaju (čl. 289/28. KZ FBiH) – pet,
- oštećenje tuđe stvari (čl. 293. KZ FBiH-a) – osam,
- prijevarama (čl.294. KZ FBiH-a) – jedan,
- izazivanje opće opasnosti (čl.323. KZ FBiH-a) – jedan,
- sprječavanje službene osobe u vršenju službene radnje (čl.358. KZ FBiH) – jedan,
- napad na službenu osobu u vršenju poslova sigurnosti (čl.359. KZ FBiH) – jedan i
- nasilničko ponašanja (čl. 362. KZ FBiH-a) – dva događaja.

Zbog postojanje osnova sumnje da su učestvovali u izvršenju navedenih događaja policijski službenici Uprave policije MUP-a Kantona Sarajevo lišili su slobode 62 migranata, 43 su predata u nadležnost Kantonalnog tužilaštva Kantona Sarajevo, a četiri su predata Službi za poslove sa strancima.

U izvještajnom periodu, policijski službenici kontrolisali su 5.070 migranata, od čega 545 nije posjedovalo registracioni obrazac, 176 je upućeno službi za poslove sa strancima radi registracije, 178 je predata službi za poslove sa strancima, 912 migranata je smješteno u imigracione centre i nad 35 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 66 akcija) na području Kantona Sarajevo, u 2021. godini, policijski službenici Uprave policije MUP-a Kantona Sarajevo pronašli su ukupno 3.589 migranata.

Sarajevo, 18.01.2022. godine
Odjeljenje za odnose s javnošću